

---

## COMUNICÂT STAMPE

### TEATRI: "IL SIUM DI UNE PATRIE" DOMAN A DARTIGNE

Udin, ai 26 di Lui 2012 - "Il Sium di une Patrie - I ultins dîs di Pre Checo Placerean", il spettacul teatrâl di e cun Fabiano Fantini dedicât al grant tradutôr de Bibie par furlan tal 25m an de sô muart al larà in sene doman, vinars 27 di Lui, aes 21, te inmagent suaze di Cjase Micossi a Dartigne.

Il spettacul, une produzion dal CSS Teatri Stabil di Inovazion dal Friûl Vignesie Julie, al è promovût de ARLeF - Agenzie Regionâl pe Lenghe Furlane in colaborazion cun ERT, Ent Regionâl Teatrâl dal Friûl Vignesie Julie, intal cercin de Farie Teatrâl Furlane.

Ospitât a Dartigne cu la colaborazion dal Comun, de ProArtegna e Amici del Teatro, l'event al è a ingrès libar (in câs di brut timp si tignarà tal teatri bons. Gelindo Lavaroni) e al vignarà acompagnât de armoniche di Sebastiano Zorza .

Par mieç di "cuadris" e je stade svilupade di Fantini la analisi dai singui aspjets dal pinsîr di pre Checo: dal amôr pal so popul, ae necessitât di voltâ la Bibie par furlan, des sôs ideis politicis, che a cjatin ispirazion tal Patriarcjât di Aquilee, fin al aspjet plui anarchic e scandalôs de sô fede in Crist.

Un spettacul par ricuardâ il grant predi furlan, fondadôr dal "Moviment Friûl", autonomist, teolic, animadôr de sene politiche e culturâl furlane dai agns '60 - '70, cul fin di analizâ il so pinsîr e la sô opare e valorizâ ancje un periodi storic fundamentâi pal Friûl e pe sô lenghe.